



FACTVM

66

POVR LE SIEVR DE COUPIGNY,

Contre le Sieur de Bremian.

LE Sieur de Coupigny est accusé de huit crimes sous le nom de quatre parties, sçavoir du Sieur de Bremian, du fils de feu la Bresche, de Calfé, & de sa femme, & de Vermont: & peut dire comme Apulee, qu'il experimēte ce qui est assez ordinaire, que *malus boni viri fama gloriatur, & innocentissimus contra noxiorum ore plectatur*: D'autant que Bremian ayant commis vn infinité d'excez & de meurtres, voire estant notoirement diffamé del'homicide commis de son propre frere: est receu en ceste poursuite, sous les noms empruntez de personnes que le Cōseil voit estre par luy supposees: & se glorifie d'auoir cest aduantage, qu'il soit libre, & que le sieur de Coupigny demeure miserablement en prison.

Bremian
a suscité
toutes ces
accusations

Mais pour monstrier qu'il est innocēt de tous ces crimes, il supplie tres-humblement le Conseil de considerer, que toutes ces accusations luy ont esté suscitées par ledit sieur de Bremian, lequel pour vne ancienne inimitié qu'il luy porte s'est proposé de le faire mourir par la voye de la iustice, n'ayant peu l'assassiner *vi aperta*.

Qu'il soit sa vraye partie, il en appert: d'autant que c'est luy qui l'a deferé & accusé, non seulement desdits crimes, mais aussi de 24. autres. Les requestes qu'il a presentees au Preuost de Paris ou son Lieutenant en rendent vn assuré tesmoignage.



A

Il a fait informer des crimes pretendus, pour raison desquels le sieur de Coupigny est detenu prisonnier: la premiere informatiō est faite à la requeste, encore que depuis il l'ait fait changer.

Le Preuost de Chasteaudun, n'aura pas desnié qu'il ne soit allé pour en informer à la requeste dudit sieur de Bremian.

Et encore au iourd'huy le Cōseil voit qu'il n'y a que luy seul, *saltem*, la Dame de Bremian sa femme, qui face poursuite cōtre ledit sieur de Coupigny. Calfe, sa femme, Vermont, & la bresche ne leur seruent que de couuerture.

L'accusation anciennemēt en la Republique de Rome, estoit permise presque à tous ceux qui vouloient accuser, & contre lesquels d'ailleurs il n'y auoit point d'empeschement, iusques là que beaucoup ont acquis de l'honneur & de la reputation en ce genre d'exercice, ainsi que recite Ciceron au second des Offices, où il dit: que *P. Claudij eloquentiam accusatio illustrauit: cum seditiosum & inutilem ciuem C. Norbanum in iudicium vocasset.*

Mais il y adioust vne limitation loüable & genereuse, *hoc quidem*, dict-il: *non est sapè faciendum, nec vsquam, nisi aut Reipublicæ caussa, vt duo Luculli, aut patrocini, vt nos pro Siculis* &c. ce sont les causes qu'il estime estre aucunemēt permises & loüables en matiere d'accusations.

Si le sieur de Bremian estoit poussé de quelqu'vne de ces deux causes, ou que pour son particulier il eut interest en ces accusations, il y auroit, peut estre, quelque excuse en la poursuite qu'il faict: mais n'y ayant aucun interest, & n'y estant poussé que pour l'inimitié qu'il a conceüe, & pour vn esprit de vengeance, le sieur de Coupigny supplie tres-humblement le Conseil, de considerer que telles accusa-

tions sous le nom de personnes empruntees, sont ordinairement calomnieuses & fauces: & que ceux *qui redimunt lit-tes*, & en font poursuite sous le nom d'autrui, ne sont gueres differens de ces accusateurs que Ciceron *vocat canes qui latrant & mordere possunt*, ainsi qu'il dit. *In orat. pro Sex. Rosc. Amer.*

Ceste seule consideration, suffiroit pour monstrier qu'il y a de la calomnie: mais s'il plaist au Conseil de considerer quels sont les artifices dont Bremian a usé pour informer, & les faucetez qu'il y a commises, il iugera fort aisément, que sans difficulté tout est calomnieux & faux.

Faucetez
commises
en proce-
dant aux
informa-
tions.

Rebours Preuost de Chasteaudun, qu'il a choisi pour le principal ministre de la calomnie conceüe contre le sieur de Coupigny, & des faucetez commises au procez rap-
porte: qu'en vertu d'une commission du Preuost de Paris, il est party exprez dudit lieu de Chasteaudun, & s'en est al-
lé à Nonacourt, & à Bremian, pour informer contre le
sieur de Coupigny: & toutefois cela apparoit notoiremēt
faux, voire impossible par la consideration des dates: d'au-
tant que la commission du Preuost de Paris en vertu de la-
quelle il dit qu'il a procedé est du 3. Septembre. 1582. & il se
trouue qu'il a commencé d'informer à Nonancourt les
cinq & septiesme du mesme mois.

La cōmission estant du 3. il est impossible que Bremian
l'ait peu retirer que le mesme iour sur le midy: de ceste
ville de Paris à Chasteaudun il y a soixante lieuës, & n'y a
point de postes disposees: de sorte qu'il faut, pour le mois,
quatre iournees pour y aller: de Chasteaudun à Nonan-
court & à Bremian, il y a plus de quarante & cinq ou cin-
quante lieuës, & n'y ayant non plus de postes disposees, il
faut trois iournees pour y aller. Voyla, pour le moins, sept

iournees qu'il falloit employer pout aller de ceste ville à Chasteaudun, & bailler la commission à Rebours: & pour aller de Chasteaudun ausdits lieux de Nonancourt, & Bremian. Et toutefois Rebours veut persuader que la cōmission du 3. luy a esté portee à Chasteaudun, & que l'ayant receuë, il s'est transporté à Nonancourt dedans vn iour, où estant, il a commencé son information le cinquieme, & qu'il a paracheué la premiere information continue le 7. du mesme mois: *adeo*, qu'e tout cela, il n'y a que trois iours francs, sçauoir les quatre, cinq, & sixieme.

Ceste notoire impossibilité, se descouure *scripto*, & par la conferce des dates & enclost en soy vne fauceté necessaire que Rebours & Bremian ne sçauoient excuser.

Si ceste fauceté estoit seule, le sieur de Coupigny auroit moins d'occasion de se plaindre: mais elle est accōpaignee de deux autres, autant ou plus remarquables: l'une qu'en la plus part des depositions, il a mis que les tesmoins ne sçauoient pas signer: & toutefois le contraire se iustifie par les recellemens & cōfrontations: & l'autre, que Rebours rapporte auoir fait son information en vne hostellerie, assise au lieu de Bremian: & toutefois la verité est, qu'il estoit en la maison de Bremian, & qu'il y a ouy tous les tesmoins. Mais sçachant bien que s'il eut mis au vray le lieu, il n'eust pas esté raisonnable d'adiouster foy à leurs depositions, ainsi qu'il sera dit en son lieu, il a industrieusement commis ceste fauceté pour les valider.

Il y en a vne autre, laquelle se verifie *scripto*, que Rebours a mis en son information trois faulses depositions, l'une de Colin Fee, l'autre de Ieâne Boessel, & l'autre de Pierre Cheualier le ieune: tous trois ont asseuré aurecollement, qu'ils n'auoient iamais deposé le contenu ausdites depositions,

voire qu'ils n'auoient pas esté ouys par Rebours, sur les faits y contenus: & consequemment il faut de necessité confesser qu'il lesa fauement inferrees & employees en les informations.

Et afin que la faulseté soit encore mieux descouuerte, il y a mis qu'iceluy Fee ne sçauoit pas signer: & toute fois il appert du contraire, ayant signé le recollement pardeuant messieurs les Commissaires.

D'excuser ceste faulseté sur le pretexte que les tesmoins peuuent varier au recollement, il ne se peut: *tum*, d'autant que cela ne peut estre entédu quand l'information est faite par vn Iuge, l'autorité & la puissance duquel empesche l'occasion de varier, *adeò*, que le recollement n'est pas necessaire quand vn Iuge a interrogé les tesmoins: *tum*, aussi d'autant qu'il ne s'agit pas d'aucune variation, ains que les depositions ont esté faullement inferrees aux informatiõs, & que iamais ces trois tesmoins n'ont esté ouys.

Ils l'ont ainsi soustenu, & partant il faut de necessité de deux choses l'une: ou que Rebours soit faulsaire, & qu'il ait faict & forgé faullement les depositions de ces trois tesmoins, pour rendre les informatiõs plus fortes, ou que les tesmoins soient faux, & les aient faullement desniees. Cela ne reçoit point de response, & le Conseil, sous sa correction, ne doit laisser impunie vne faulseté si claire & si euidente.

Ce qu'on dict qu'il y-a d'autres tesmoins ouys par Rebours, qui deposent des accusations, ne peut estre cõsiderable: d'autant que s'il demeure comme il est conuaincu d'auoir mis trois faulses depositions en son information: seroit-il raisonnable d'adiouster foy aux autres, faictes par vn faulsaire, & ceste mesme information partie de laquelle

le se trouue faulſe.

Le Conſeil ſçait, & l'experience ordinaire iuſtifie combien il eſt aiſé de praticaner & de corrompre des teſmoins ou de les obliger par quelques formes de depofitions anticipées. *Qui voluntarie producit teſtes, ſcire poteſt quid dicturi ſunt, domi verſati ſunt, ac variis percōtationibus quales haberi poſſunt ab aduerſario explorati antè quàm producantur: ſic fit, ut aut conſent ſibi, aut ſi quid turbauerint opportuna eius à quo producti interrogatione velut in gradum reponantur*, ainſi que diſt Quintilian lib. 5. cap. 7. que les teſmoins de ſon tēps auoient accouſtumé d'eſtre praticanez.

Auiourd'huy que les depofitions ſont ſecretes, & que les teſmoins ne diſent rien en public: les plus malicieux trouuent des Iuges à leur deuotion, & leur font ouyr les teſmoins pour les obliger de leurs depofitions. Leur font entendre ce qui d'ailleurs eſt de facile perſuaſion, qu'ayant eſté ouys par vn Iuge, ils ne peuuent aucunement varier en leurs depofitions: & par ce moyen les obligent, en ſorte qu'ils ne font point de conſcience de ſouſtenir ce qu'une fois ils ont faulſement depofé. C'eſt la forme par laquelle les calōniateurs ont accouſtumé d'anticiper les teſmoins pour les obliger.

Que Bremian n'ait vſé de ceſt artifice, il ne ſe peut nier: voire il ſe deſcouure par trois argumens neceſſaires, & auxquels il n'y a point de reſponſe.

Le premier que dès le mois de Feurier, 1580. il y auoit commiſſion du Roy, voire par Arreſt & Ordonnance de ſon Conſeil priué adreſſante au Preuoſt de l'Hoſtel, ou ſon Lieutenant, pour informer de l'accuſation, intentee ſoubs le nom de Calfe, & ſa femme: & toutefois Bremian ſ'eſt bien donné garde d'en prendre aucun pour faire l'infor-

mation: d'autant qu'il ſçauoit bien qu'il luy ſeroit mal-aiſé voire impossible de les manier à ſa deuotion, qu'ils ne voudroient pas ouyr les teſmoins, ſinon en la forme ordinaire qu'ils ont accouſtumé d'eſtre ouys en la iuſtice: & que par ce moyen il ne pourroit obliger leurs depoſitiōs.

Le ſecond, que Bremian ſouſtient que les crimes, dont il fait poursuite, ont eſté faiçts au dedans du Bailliage d'Eureux, au reſſort de la Court de Parlement de Rouen: & toutefois il n'a iamais voulu permettre qu'il en fuſt informé par auctorité des Iuges des lieux, n'y meſmes par auctorité de Meſſieurs de ladite Court, ſcilicet, d'autant qu'il ne les trouuoit pas aiſés à corrompre, ny qu'ils vouluſſent ſ'abandonner iuſques-là que de faire depoſer faulſement les teſmoins, & les obliger de leurs depoſitions, n'y pour en mettre de faulſes en l'information.

Et le troiſième, qu'il n'a trouué aucun Iuge à ſa fantaſie que Rebours, pour l'accommoder à ſes deſſeins, & commettre toutes ces faulſetez.

Si Bremiā eut voulu faire informer par la voye ordinaire & accouſtume en la iuſtice, & ſas corruptiō ou autre mauuais artifice: il ſe deuoit contéter des Iuges que le Roy luy auoit donnez: ou de ceux, au reſſort deſquels, il dit que les crimes ont eſté commis: Mais ayant choiſi Rebours hors du reſſort de ladite Court, & ayant preferé *extraneum iſtum latrunculatorem*, à tant de perſonnes d'honneur, & de bons Iuges qui pouuoient informer: voire auſquels il appartenoit d'en informer, il eſt impossible de nier que cela ne ſoit faiçt *ad aliquid*, & pour obliger les teſmoins & commettre les faulſetez qui ont déjà eſté remarquees cy deſſus: & leſquelles ſont encores mieux deſcouuertes, en cōſiderant les depoſitions des autres.

L'intention se deſcouure par l'affectation de Bremian, en la perſonne de Rebours: & par le refus qu'il a faiët de tant de gens de bien pour choiſir vn meſchant homme. Et ſi le Conſeil y ioinët les effects que ceſte affectation a produits, & les faulſetez qui ſe trouuent au procez: il ſe void clair comme le iour, que Rebours n'eſtoit choiſi par Bremian à autre fin que pour receuoir & valider des faulſes depoſitions par le moyen deſquelles Bremian peut oſter la vie au ſieur de Coupigny: lequel par des moyens honeſtes & vertueux l'auoit touſiours deffenduë contre les aguets, embuſches & aſſembles de Bremian.

Puis donc que Bremian a vſé de ceſt artifice pour obliger la foy des teſmoins: & le ſuccez aiät eſté tel que la faulſeté ſe deſcouure *ſcripto*, d'vne partie de ce que Rebours a faiët, Coupigny ſouſtient qu'il n'eſt pas raifonnable d'adiouſter aucune foy aux teſmoins ouys par Rebours, encores qu'ils ayent perſiſté au recollement: d'autant qu'ayant eſté ainſi arrez par Rebours, & s'eſtant obligez entre ſes mains de ce qu'il a voulu eſcrire. Il n'y a point de doute, qu'ils n'ayent auſſi aiſément perſiſté en des faulſes depoſitions que facilement ils les auoient faites. C'eſt ce que nous diſons en droit, qu'il ne ſe faut pas arreſter aux teſmoignages anticipez non plus qu'aux volonteſ captatoires.

Sur le fait
de l'homi
cide de la
Salle.

Pour le particulier de chacune de ces accuſations, le premier & plus ancien crime, concerne l'homicide commis en la perſonne de feu la-Salle, diët la-Breſche, pour lequel le ſieur de Coupigny a ſouuenance qu'il y a ſept teſmoins à luy confrontez: leſquels par la conſideration des circonſtances qu'eux meſmes ont remarquees ſont notoiremēt faux.

Les deux principaux sont Gabriel Ioüan, sieur d'Arden-
nes, & Martin Iarry: lesquels déposent du iour que la Bres-
che fut tué: mais tous deux assurent que ce fut au mois
d'Aoust, & toutefois il y a preuue que ce fust le
du mois de Iuillet, 1578.

S'ils eussent déposé du temps, avec quelque incertitude:
l'on pourroit dire qu'il ne faut pas y aduifer de si pres. Mais
tous deux déposent certainement que les faits d'oïls par-
lent sont aduenus au mois d'Aoust. Et pour ceste occasiō,
il est impossible de nier que leurs depositions ne soient fau-
ces en ce qu'ils déposent que ce iour dont il parlent, ledict
feu la-Bresche auoit esté tué.

La circonstance du temps, est l'une des principales que
l'on doit remarquer en vne accusation, & comme dict vn
Poëte,

Indicis officium est vt res ita tempora rerum

Querere.

Et le Iuriconsulte in l. libellorū. ff. de accusat. que libellorum
accusationis conceptio, talis est Consul, & dies utique, dit-il, & lo-
cus designandus est, & persona & mensis: La raison en est pro-
pte, que par la circonstance du temps l'accusé peut respon-
dre, s'il estoit au lieu auquel on dit que le crime a esté com-
mis, ou s'il estoit ailleurs en mesme temps.

Il se peut faire qu'un iour dudit mois d'Aoust, le Capi-
taine le Grand ait esté en la maison de d'Ardenne: que ce
mesme iour ou vn autre, Iarry estoit allé avec le sieur de
Fontaine son maistre au lieu de Pinson, & qu'un mois au-
parauant la-Bresche eut esté tué: qui est cause que se trou-
uant faux qu'il ayt esté tué au mois d'Aoust: il est impossi-
ble de nier que leurs depositions qui parlent de sa mort,
comme aduenues au mois d'Aoust ne soient faulces.

La faulseté se descouure en vne autre circonstance indubitable, que tous deux asseurent que le iour, duquel ils deposent, est celuy auquel la-Bresche fut tué, d'Ardenne soutient que ce mesme iour le Cappitaine le-Grand arriua en sa maison sur les quatre heures du matin, & luy monstra vne pistolle qu'il auoit ostee à la-Bresche. Qu'il demeura quelque temps avec luy, & y desicuna: & toute fois larry depose que ce mesme iour il vid au lieu de Pinson le sieur de Coupigny & ses gés tous bottez, & qu'entre eux estoit le Cappitaine le-Grand. Comment est-il possible qu'en vn mesme temps, & presque en vn mesme moment le Cappitaine le-Grand fut en la maison de Pinson, & en la maison de d'Ardenne, que luy mesme recognoist & confesse estre distante de cinq quarts de lieuë de celle de Pinson?

A ceste contrariété, & consequemment faulseté de depositions, Bremian pourroit respōdre, qu'au matin le Capitaine le-Grand estoit en la maison de d'Ardenne: & que depuis il reuint en la maison de Pinson, où larry l'a peu voir: mais il depose que dès le matin il alla avec le sieur de Fontaines, son maistre, trouuer le sieur de Coupigny. Qu'ils le trouuerent avec ses gés, bottez, prests de monter à cheval: & qu'entr'eux estoit le-Grand. Il falloit de necessité, que ce fust quelque temps auparauant huiët heures, d'autant qu'il depose que sur les huiët heures du matin, il vid arriuer vn nommé Bataille.

Et Ioſſian depose que sur les quatre heures du matin le-Grand arriua en sa maison, qu'il le trouua couché avec sa femme, qu'il luy recita ce qui estoit aduenü de la mort de la-Bresche. Qu'il luy monstra son coutelas sanglant, & la pistolle qu'il auoit ostee à la-Bresche: & qu'apres qu'il eut desicuné, il en partit. Tout cela ne s'est peu faire en si peu.

de temps que le-Grand n'ait demeuré plus de quatre ou cinq heures avec Ioüan. Et consequemment il est faux de dire qu'il fust avec le sieur de Coupigny en ce mesme tēps, & dès le matin auparauant huit heures: & lors que ledict Larry dict estre arriué audit lieu de Pinson, & y auoir trouué ledit sieur de Coupigny.

D'abondant, le sieur de Coupigny fest inscript en faux cōtre deposition de Larry & de Ioüan: il a baillé ses moyēs de faux. D'ailleurs, il les a reprochez de reproches que le Conseil a iugé pertinens. Et pense qu'il les trouuerra bien verifiez: & si la deposition de ioüan est bien consideree, le Conseil la trouuerra toute pleine d'animosité & de passion, d'autant qu'il ne se contente pas de déposer du fait de l'homicide commis en la personne de la-Bresche: mais il veut iustifier ceux qui ont tué le Cappitaine le-Grand, & assure que la iustice le voulant apprehender, il s'estoit mis en deffense, & auoit esté tué. Ceux qui ont fait l'homicide, & qui en sōt accusez, n'ont iamais osé proposer ce fait iustificatif: d'autant qu'ils sçauent en leur conscience qu'il est faux. Et si Ioüan a eu l'ame si abandonnee, que d'assurer ceste faulxeté, il ne faut pas douter que tout le reste de sa deposition ne soit faux.

Il y a cinq autres tesmoins confrōtez audit sieur de Coupigny, sur le chef de ceste accusation: sçauoir, Iehan Hermerout Iehan Briguant, Iehan l'Abbé. Le sieur de Pierre-courr, & Claude Girard, dit S. Martin: mais Hermerout & l'Abbé ne disent pas que le sieur de Coupigny ayt fait cest homicide, ny qu'il l'ait fait faire. Le sieur de Pierreures ne le dit pas, non plus ny Claude Girard aussi: ains depose seulement de ce qu'il dict luy auoir esté descouuert par le feu Cappitaine le-Grand.

Tous lesdits tesmoins sont bien reprochez, & le sieur de Coupigny pense que les reproches ont esté bien verifiees: Mais s'il faut considerer leurs depositions, elles sont singulieres. Larry depose que le iour de l'homicide, il est allé au lieu de Pinson, il y a veu le sieur de Coupigny, & le Grand. Qu'il y a veu la pistolle sur le liect du palefrenier: & qu'estant au lieu de la Cousture, il a ouy que le sieur de Coupigny menaçoit la-Bresche. Il n'y a que luy seul qui depose de ce faict.

Ioüan dict, que ce mesme iour le Cappitaine le-Grand le fut trouuer en sa maison: & recita ce qu'il auoit faict del'homicide de la-Bresche: voire qu'il luy monstra la pistolle, & son coutelas sanglant. Il se trouue aussi seul qui en depose.

Hermerout depose qu'il a plusieurs fois entédu dire audit feu la-Bresche, que ledit sieur de Coupigny luy vouloit mal: & que le sieur de Bremian estoit allé pour accorder la Bresche avec ledit sieur de Coupigny. Nul ne le depose que luy.

Briguant & l'Abbé, ne disent rien cōtre le sieur de Coupigny, le sieur de Pierre-Court n'en depose rien sinon ce qu'il a entendu des sieurs de la Cousture & de S. Remy, & qu'estant allé trouuer monsieur le Duc d'Aumale: il auoit esté aduisé qu'il aduoüeroit la-Bresche comme sien, afin que le sieur de Coupigny ne l'outrageast.

Et Claude Girard ne depose rien que ce qu'il dict auoir ouy dire au cappitaine le-Grand: dont les autres ne disent vn seul mot.

Puis dōc que ces tesmoins sont singuliers, il est impossible de dire que leurs depositions puissent aucunement ser-

uir contre ledit de Coupigny : d'autant que nous tenons pour vne maxime certaine & indubitable endroit que les tesmoins singuliers en quelque nombre qu'ils puissent estre, ne font point de foy, & ne peuuent verifier le faict duquel ils deposent particulierement. *gl. & doctores in cap. cum Dilecti, de Accusat. cap. bona de Electione, & cap. licet in verbis quidam alij sunt in dicto sui testimonij singulares.*

Outre la singularité des depositions, ils deposent tous de *auditu*, comme l'ayant ouy dire à d'autres : & nous tenons pour vne maxime indubitable, que *testis de auditu, nihil probat. l. testium. C. de testib. & Bald. in l. conuenticulam. de Episcop. & cler. plenè specula. in tit. de teste, v. nunc tractandum ver. de auditu: neque enim ipsi sunt testes, sed iniuratorum adferunt voces:* ainsi que dit Qaintilian, *lib. 5. cap. 7. Institut. orat.*

Le conseil verra qu'il n'y en a vn seul qui depose de *visu*, que larry, encore ne dit-il rien, sinon qu'il vid le sieur de Coupigny & autres, bottez, prests de monter à cheual, entre lesquels estoit le Grand: & qu'il vid la pistole sur le liect du Palefrenier, & le sieur de Pierre-court qu'il fust aduisé que la-Bresche fust aduoüé par ledit sieur Duc d'Aumale. Le conseil iugera si ces deux depositions sont suffisantes pour conuaincre le sieur de Coupigny dudit homicide.

D'ailleurs de tous ceux qui en deposent, il n'y a vn seul qui die *ne quidè de auditu*, que le sieur de Coupigny ait faict le meurtre: au contraire, la plus part disent qu'il n'y estoit pas, & qu'ils ont ouy dire au Cappitaine le-Grand, qu'il l'a faict *eius mandato*, & partant de dire que cela fust suffisant pour le conuaincre, c'est vne pure mocquerie: & si cela auoit lieu, il n'y auroit hōme de bien au monde, qui ne peut estre aisément cōuaincus de tel crime qu'on luy voudroit

imposer, n'y ayant chose plus aisee que de faire publier des calomnies, & faire deposer à des tesmoins qu'ils les ont ouy dire.

Cōtre les
missiues
de mon-
sieur le
Duc d'Au-
male.

Il n'y a donc aucune preuue de cest homicide contre le sieur de Coupigny, par la deposition des tesmoins : mais d'autāt que le sieur de Bremian en apporte deux par escrit, l'vne, par des missiues dudit sieur Duc d'Aumale, & l'autre, par le testament du feu Cappitaine Boulegras. Le sieur de Coupigny respond que les missiues du sieur Duc d'Aumale viennent des impressions que le sieur de Bremian luy auoit donnees, ainsi qu'il appert de la lecture d'icelles. Le sieur de Bremian, qui est ennemy mortel du sieur de Coupigny, auoit escrit au sieur Duc d'Aumale, que ledit sieur de Coupigny auoit tué la-Bresche, ledit sieur Duc d'Aumale prend cela pour deniers comptans: mais qu'il faille pour cela inferer qu'il soit veritable, il n'y a point d'apparence. Ce n'est pas la premiere imposture que le sieur de Bremian a calomnieusement proposee cōtre le sieur de Coupigny.

Si ledit sieur de Bremian vouloit tirer quelque preuue dudit sieur Duc d'Aumale, il le deuoit faire ouyr, suiuant ce qui est ordinaire & accoustumé en la iustice. Il est Prince si genereux, & si veritable que le sieur de Coupigny s'en fut tousiours rapporté à sa deposition.

Le testa-
ment au
Capitai-
ne Boule-
gras faux.

Et pour le regard du testament de Boulegras, c'est vne piece qui apparoit faulse par les argumens qui s'ensuiuent.

Primò, que Boulegras estoit cōdamné: qu'il estoit entre les mains du bourreau. Et que ce procès verbal contient que l'assesseur qui seruoit de cōtrerolle au Preuost, s'estoit retiré.

Secundò, que ce pretendu testament est separé de tout le reste du procès: & mesmes des interrogatoires qui auoient

esté faits lors que la sentēce fut pronōcée, & à la question.

Tertiò, que le Preuost rapporte que Boulegras vouloit parler à luy secrettement, & qu'il l'a tiré à part, *scilicet*, afin que personne ne peut depōser ce qu'il diroit, & que la faulxeté fut plus aisée.

Quartò, que Boulegras n'a rien dit de soy qu'il deuit dire en secret, d'autant qu'il n'a que recommandé sa femme & ses enfans.

Quintò, qu'au lieu d'entendre ce que Boulegras vouloit dire, le Preuost l'interroge sur le meurtre de la-Bresche. Il ne falloit pas garder cest interrogatoire apres la question en l'absence de l'assesseur: ains falloit qu'il fust fait solennellement avec les autres. Et ayant esté ainsi faict à part, la presumption y est claire & sans difficulté, que c'estoit pour y adiouter faulxement quelque chose contre le sieur de Coupigny.

Sextò, que ce prétendu testamēt n'est pas signé de la main de Boulegras, encores qu'il peut signer estant en la prison. Et qui pis est, il n'est pas seulement interpellé de le signer.

Septimò, que le procez verbal de sa mort, & de son execution ne contient vn seul mot de tout ce qui se trouue en ce prétendu testamēt: ains iustifie tout le cōtraire le sieur de Coupigny l'a fait rapporter à ceste fin au conseil.

Ces moyens de faux, sont verifiez *scripto*: & d'ailleurs, y aiant des faulxetez si claires, & si euidentes, que celles qui ont esté remarquées dez le commencement. Il ne faut pas douter que tout le reste ne soit pareillement faux.

Et afin que le conseil descouure encore plus aisément la faulxeté, le sieur de Coupigny le supplie tres-humblement de remarquer qu'il n'y a que sept tesmoins cōfrontez pour l'homicide de la Bresche. Et qu'il n'y en a qu'une partie

qui ayent depofé que le bruit cōmun estoit que ledit ſieur de Coupigny auoit tué ledit feu la-Breſche.

S'il eſtoit vray qu'il fuſt tel, il eſt certain que tous les teſmoins : voire vn grand nombre d'autres habitans du pays, l'euffent depofé, d'autant que ce bruit commun ne peut eſtre enfermé en la teſte de deux ou trois perſonnes. Mais tant s'en faut que les teſmoins que le ſieur de Bremian a fait ouyr l'ayent depofé, qu'au contraire de quarante ou quarante-cinq teſmoins qu'il a fait ouyr contre le ſieur de Coupigny tant ſoubs ſon nom que ſoubs le nom de Calfé & de ſa femme, & de Vermont. Il n'y en a que deux qui ayent voulu depoſer de ce prétendu bruit commun: ſçauoir eſt, Hermerout & le ſieur de Pierre-court. Au contraire Briguant & l'Abbé depoſent qu'ils ne ſçauent par qui ceſt homicide a eſté fait, *ut ſit facile*, de cognoiſtre que le faict de ce prétendu bruit commun eſt vne autre faulſeté que ledit ſieur de Bremian a inuenté pour calomnier le ſieur de Coupigny.

Il y a preuue de celuy que l'on pretend auoir fait l'homicide, il n'y a point de preuue que le ſieur de Coupigny l'ait fait, ny l'ait commandé: & partant de l'en charger c'eſt vne malicieuſe impoſture.

Et pour ne laiſſer ſans reſponſe ce que Bremian a voulu dire qu'il y auoit de l'inimitié precedente. Le ſieur de Coupigny cōfeſſe qu'il ne l'aymoit pas: & que la Dame de coupigny ſa mere, le pourſuiuoit pour vn homicide qu'il auoit commis en la perſonne d'un Gentil-homme, lequel gouuernoit ledit ſieur de coupigny en ſon enfance : mais que de là on puiſſe inferer qu'il l'ait tué, il n'eſt pas raifonnable.

Le ſecond crime duquel le ſieur de coupigny eſt accuſé, eſt

est qu'il a fouëté & batu de verges Calfe & sa femme: mais les circonstances de ceste accusation iustifient qu'elle est faulſe auſſi bien que la precedente.

Sur l'accu-
ſation de
Calfe &
ds ſa fem-
me.

Primò, en ce que par la requeſte que Calfe & ſa femme ont preſenté au Roy, qui eſt du mois de Feurier, 1580. ils ont fait entēdre que ceſt excez leur auoit eſté fait depuis vn an: & toutefois ils ſouſtiennent au iourd'huy que ce fuſt au mois de Ianuier precedent. Qui croira qu'en ſi peu de temps ils euſſent ſi bien oublié le mois auquel ils diſent que ceſt excez leur a eſté fait, qu'ils ne le peuſſent mettre en leur requeſte.

Il a eſté remarqué cy deſſus, *ext. libellorum. ff. de Accuſat.* Que l'accuſateur doit coter le mois des excez par luy pretendus, & toutefois deſlors ces bons accuſateurs en eſtoiēt tellement incertains, qu'ils n'ont peu le coter, *ſcilicet*, d'autant que *re vera*, l'accuſation eſtoit faulſe.

Secundò, que depuis ils ont ſouſtenu que ce pretēdu excez leur a eſté fait en vendanges, de la meſme annee, voire le ſieur de Coupigny a eſté aduertty qu'ils l'ont ainſi iuré lors qu'ils ont eſté ouys comme teſmoins, à la requeſte du ſieur de Bremiã. Qui eſt celuy qui puiſſe nier que ceste cōtrarieté ne contienne vne faulſeté & calomnie treſeuidente de l'accuſation.

Il ne la faut pas excuſer ſur ce que l'on peut dire que les vendanges en Normandie ſont au mois d'Octobre, lequel n'eſt pas loin de celuy de Ianuier: car ſ'ils diſoiēt que ce fuſt au mois de Ianuier de l'annee 1581. que l'excez a eſté fait, y auroit peut eſtre quelque excuſe. Et l'on pourroit dire qu'il n'eſt pas beaucoup loin du mois d'Octobre precedent: mais quand ils diſent d'vn coſté que c'eſt au mois de Ianuier 1580. & qu'ils iurent d'vn autre coſté, que ce fut au

mois d'Octobre, en la mesme annee. Il y a neuf mois entiers d'interuale : & partant la cōtrarieté & la faulseté claire, & ne reçoit point de responce.

Il n'y a pas moins de contrarieté en la circonstance du lieu, d'autant que le sieur de Coupigny est aduertý que cy-deuāt Calfe & sa femme, ont soustenu qu'il les auoit trouuez & les auoit foüietez en l'hostellerie qui est pres de Pinson: le Conseil s'en pourra esclaircir par la lecture de leurs plaintes & de leurs depositions lors qu'ils ons esté ouys comme tesmoins.

Et toutesfois par le *Factum* qu'ils ont fait imprimer & qu'ils ont affermé veritable, ils disent que le sieur de Coupigny les fit sortir par force & violence de ladite hostellerie, & les mit en vne grãde place ou friche, où il les foüiera.

S'ils ont esté foüietez en l'hostellerie, il est faux de dire que ce soit au friche, ou plustost l'un & l'autre est faux : & neantmoins encore y a-il vne contrarieté en ce que par la requeste qu'ils ont presentee au Roy, ils ont asseuré qu'estans arriuez en la place qui est le Friche, le sieur de Coupigny les y auroit rencōtrez & foüietez : & toutefois ils ont depuis asseuré le contraire qu'ils estoient entrez en l'hostellerie, où ledit sieur de Coupigny les auoit trouuez. Toutes ces variations & contrarietez monstrent que l'accusation est faulse.

Or que la circonstance du lieu soit necessaire en vne accusation, le texte y est formel, *in dic. l. libellorum, utique enim locus designandus est* : & partant si les tesmoins y varient leurs depositions sont reputees faulses, ainsi qu'il sera dit cy-deuant: à plus forte raison l'accusation doit estre reputee calomnieuse quand l'accusateur mesmes y trouue incōstant & contraire.

Maximè, qu'il n'y a personne qui doive estre tant asseuré du fait de son accusation que l'accusateur, & que se trouuant Calfe & sa femme ainsi contraires au temps & au lieu qu'ils pretendent auoir este excedez: il est aisé à voir que leur accusation est faulse, attendu qu'ils n'en peuuent certainement specifier ny designer le temps, *l.in caussis, in verbis, tempusque designent. C. de Accusat.* ny le lieu, la designation duquel est autant ou plus necessaire.

Ainsi donc que le fait de ceste accusation a esté aduacé sous le nom de Calfe & de sa femme, il est notoirement faux: mais sil plaist au Conseil de considerer les depositiōs des tesmoins confrontez au sieur de Coupigny, sur le faict de ceste accusation, & biē poiser les circonstances de leurs depositiōs, il trouuera que sans difficulté elles sont faulses.

Gilles Angiboust l'un des tesmoins a iuré que c'est excez a esté fait en védāges 1580. & toutefois Calfe & sa fēme soustiennent que ce fut au mois de Ianuier precedant, qui est plus de neuf mois auparauant. *Si alius uno tempore, alius alio tempore viderit, diuersitas temporum eorum testimonium non admittit*, ainsi que dict le texte, *in can. testes, 3. quest. 9. nec eorū voces tanquam plurium admittuntur quos temporum quidem diuersitas, simul interfuisse prohibuit can. nihilominus eadem quest.*

Outre la circonstance du temps qui monstrent la faulseté de la deposition d'Angibout, il y a deux argumēts qui la descouurent faulse, l'un qu'il dit que le bruit commun du pays estoit que le sieur de Coupigny attendoit Calfe & sa femme à Pinson: & toutefois cela est notoirement faux, d'autant qu'il est impossible qu'il y peut auoir aucun bruit commun d'un excez que luy-mesme dit n'estre pas encore aduenu, comme de fait il se trouue seul qui en depose.

Et l'autre, que par sa deposition il assure que Calfe & sa

femme estoient au bourg d'Illiers, quand le sieur de Compigny les y enuoya querir. Que l'on y plaidoit, & qu'ils retournerent audit lieu d'Illiers, où ils monstrent leurs playes à vn grand nombre de personnes: & toutefois il n'y a vne seule personne d'Illiers qui en ait déposé. *Quasi verò*, luy seul peut déposer de ce qu'il dit auoir esté veu par tant de personnes, & en vn si grand bourg que celui d'Illiers.

Il faict pis, car sil plaist au Conseil de bien considerer ce qu'il a dit en sa deposition, & en son recollement, il y trouuera vne contrariété, voire vne faulseté tres-euidēte: d'autant qu'il asseure que trois ou quatre heures apres que Calfe & sa femme furent partis du lieu d'Illiers, il les y vid retourner, & qu'ils y monstrent les playes qu'ils auoiēt sur leur corps, & par son recollement il dit que au retour du chasteau de Pinson apres auoir esté batus & foüettez, ils se rendirēt en sa maison assise au lieu de Bremian, où il tenoit tauerne: & qu'en ladite tauerne ils mōstrerent leurs plaies.

Ceste fauceté ne peut estre excusée par la consideration de l'acte en soy, d'autant que sil se trouuoit que plusieurs tesmoins deposassent d'vn mesme fait, & en rendissent des causes & des raisons diuerfes: il y auroit, peut estre, quelque apparence de dire que la diuersité de ces causes & de ces raisons ne peut diminuer la foy de l'acte duquel ils déposent & duquel ils se treuuent d'accord: mais quand vn tesmoin se treuue contraire à soy mesme, *indubitati iuris est*, que sa deposition ne vaut rien, *l. qui falso. ff. de testib. gl. in cap. in nostra, in verbo aduersa, de testib. ex can. pura 3. quæst. 9. Et cā. quod autem. 23. quæst. 7. in verbis quam sint inter se contraria que loquuntur.*

Quand encores sa deposition seroit veritable, que non, si est-ce toutefois qu'il ne dit pas qu'il ait riē veu faire des

aits excez au sieur de Coupigny, & ne dit rien contre luy, sinon qu'il l'a ouy dire à Calfe & à sa femme: sous le nom desquels ceste accusation a esté intentee. Si ce tesmoigna-ge estoit bon, il se pourroit trouuer vn nombre infiny de semblables tesmoins ausquels calfe & sa femme l'ont dit, voire ausquels ils le disent tous les iours.

La deposition de Jehanne Boissel, femme d'Angibout, ne peut de rien seruir, d'autant qu'elle ne dict pas que ce qu'elle a ouy dire à calfe & sa femme, fors & excepté qu'elle les vid retournant de Pinson tous blesez: en quoy toutes-fois elle est contraire à l'une des depositions d'Angibout, quand il dit qu'ils retournerent à Illiers, & y monstrent leurs playes.

Et neantmoins il y a trois tesmoins nouuellement confrontez, lesquels descouurent la faulseté, sçauoir Simon Oliue, Colas Cosnard, & Martin des Jardins, lesquels ont déposé qu'ils auoient veu aller & retourner calfe & sa femme lors de ce prétendu fouët: qu'ils ouyrēt leur plainte, & qu'ils les veirent à Illiers, où Angibout dit qu'ils retournerent & monstrent leurs playes: mais ces trois déposent au contraire, qu'ils ne veirent point ces playes & qu'elles ne furent point monstrees. Voila vne faulseté si claire & si euidente, qu'il est impossible de l'excuser.

Matthieu Ligier, ne depose rien, sinon qu'il a ouy dire: & consequemment sa depositiō ne fait point de foy.

Pierre Cheualier l'aîné, ne depose non plus que par ouir dire, & neantmoins ses depositions sont faulses, en ce que par l'une d'icelles, il cote le temps d'environ deux ans: & toutefois depuis au recollement il dit qu'il ne sçait le tēps comme si depuis sa deposition il l'auoit oublié.

Elles apparoiſſent faulſes en ce qu'il parle d'un commun

bruit, duquel luy seul, & ledit Angibout, ont depofé: s'il e-
ftoit veritable, il y auroit plus de tefmoins qui en pour-
roient parler.

D'auantage, il dit qu'il a ouy dire aux voifins de la tauer-
ne de Bremian: & toutefois il n'y en a vn feul qui en ait de-
pofé.

Qui fait doute, que ces voifins eftans fuiets & tenanciers
du fieur de Bremian, il ne les eut fait depofer, au cas qu'ils
en euſſent ſceu quelque choſe: il eſt certain qu'il n'eut pas
oublié de les faire ouir: mais d'autant qu'il n'y en a point,
il eſt aduenü qu'il ne ſeſt auſſi trouué perſonne qui en ait
voulu depofer, & partant il ſ'enſuit que ce tefmoin a faul-
ſement depofé quand il a dit, qu'il auoit ouy dire aux voi-
ſins de la tauerne de Bremian.

Encore y a il vn argument tref-certain, pour monſtrer
que toutes les depofitions de Iehan Boiſſel, & de Che-
ualier ſont faulſes, d'autât qu'ils depofent d'environ deux
ans lors de leurs depofitions faiçtes au mois de Septébre,
1582. qui reuient au mois de Septembre, 1580. & toutefois
le faiçt de l'accuſation eſt du mois de Ianuier precedant.
Ceſte faulſeté a eſté remarquee cy deſſus, & ne reçoit
point de reſponſe.

Pierre Cheualier le ieune, ne depofe rien de ces excez: il
eſt vray que Rebours luy auoit faiçt depofer faulſement,
qu'outre le fouët, le fieur de Coupigny auoit baillé vn
coup de poignard ſur la main de Calfé: mais ils'eſt trouué
que ceſte depofition comme faulſe, a eſté deſaduouee par
ledit Cheualier.

Pierre de Tœiul, fieur de S. Martin, dit qu'il eſtoit pre-
ſent lors que Calfé & ſa femme ſe preſenterēt au Roy, luy
monſtrèrent leurs bleſſeures, & luy dirent que c'eſtoit le

Sieur de Coupigny qui les auoit fouëtez: mais il ne se trouue vn seul qui en depose, *quasi verò*, cela ce soit peu faire qu'il n'y eut beaucoup d'autres personnes presentes. Ceste seule consideration suffit, pour mōstrer que sa deposition est faulce.

Thomas Lucas, & Charlote le cousturier, deposent noirement faux en ce qu'ils parlent du temps indefinit depuis quatre ou cinq ans, & toutefois tous les precedés tesmoins deposent d'environ deux ans, *peius istud*, que Lucas interrogé du temps lors de la confrontation, il respond, qu'il ne le sçait pas: craignant que s'il en respondoit, certainement la faulseté de sa deposition fut descouuerte.

charlote le-cousturier, en faiçt autant: & diçt qu'elle ne se peut ressouuenir pour la longueur du temps, & toutes-fois les autres tesmoins deposent qu'il n'y auoit que deux ans, depuis lesquels il n'y a pas d'apparence de dire qu'elle en eut perdu la memoire.

Ces deux faux tesmoins, deposent vn mesme acte, & se trouuent tellement contraire en la circonstance du lieu, que l'vn diçt que calfé & la femme, furent fouëttes dedàs l'hostellerie, & l'autre assure que ce fust dedans le friche pres & deuant l'hostellerie.

Nous tenons en termes de droit, qu'il faut tant qu'on peut, accorder les depositions des tesmoins: mais quand ils sont tellement contraire qu'ils ne peuuent se compatir ensemble aux necessaires circonstances du faiçt, la contrariété iustifie qu'ils sont faux: mesmement quand ils sont contraires en la circonstance du lieu, par le seul moyen de laquelle Daniel descouurit le faux tesmoignage des deux vieillards contre Susanne.

Le Conseil (sil luy plaist) en fera autant de ceste accusa-

tion, & iugera que Lucas ayant affermé que Calfe & sa femme auoient esté fouettez dedans l'hostellerie, & ladite le cousturier ayant au cōtraire iuré & asseuré que ce fut dedans le frische, il iugera dis-ie, sil luy plaist, que leurs depositions sont faulses, tout ainsi que celles des deux vieillards contre Susanne, & qu'il est impossible que deposant d'un mesme acte qu'il ait esté faict en diuers lieux ils ayent dit verité.

Cela se descouure encore plus clairement, sil plaist au conseil de considerer que ces deux tesmoins asseurent, que Calfe & sa femme entrerent en l'hostellerie, & que le sieur de Coupigny les y fut trouuer, & toutesfois eux mesmes ont asseuré le contraire par la requeste qu'ils ont presentee au Roy qu'auparauāt entrer en l'hostellerie le sieur de Coupigny les arresta dedās la place ou friche, lequel lors qu'il en auoient la memoire plus fresche, qui estoit au moys de Feurier mil cinq cens quatre vingts.

Si cela auoit esté faict long temps apres lesdits pretenduz excès, il y auroit peut estre quelque excuse de dire par Calfe & sa femme qu'ils en auoient perdu la memoire, mais les ayans proposez au Roy presque aussi tost qu'ils pretendēt auoir esté excédez & audit mois de Feurier 1580, il fault prendre ceste circonstance comme celle qu'ils estimoient la plus certaine. Sçauoir qu'ils auoiēt esté arrestez & excédez au friche auparauant qu'entrer en l'hostellerie, & consequēmēt que les tesmoins sont faux d'auoir depolé qu'ils fusēt entrez en l'hostellerie & eussēt esté excédez.

Encore y a il vn argument de fauceté aux depositions desdits Lucas & le Cousturier en ce que ledit Lucas depose que la femme avec laquelle il estoit allé, luy dist que celui qui fouettoit ledit Calfe, & sa fême estoit le seigneur de

de Coupigny : & toutefois elle-mesme a dict, à sa confrô-
tation, qu'elle ne le pouuoit recognoistre.

Il ne faut pas qu'elle s'excuse qu'il y auoit trop long téps,
car fil est ainsi que l'excez eut esté faict en l'annee 1580. el-
le s'en pouuoit aisément ressouuenir, au mois de Ianuier,
1583. qu'elle a esté interrogée : attendu mesmement qu'elle
depose de beaucoup d'autres circonstances moins remar-
quables, la memoire desquelles se perd plus aisément.

Puis donc que les accusateurs & les tesmoins se treuuent
ainsi contraires & variables aux circonstances du temps &
du lieu qui sont les principales que nous deuôs considerer
en matieres criminales, il faut de necessité que les accusa-
tions & depositions soient calomnieuses & faulses.

Mais afin que le Conseil cognoisse encore plus clairemēt
la faulseté, le sieur de Coupigny le supplie tres-humble-
ment de considerer que tous ceux qui parlent, qu'il eut
enuoyé querir Calfe & sa femme, deposent qu'ils estoient
à Illiers, où ils plaidoient & poursuioient quelques pro-
cez, voire ils assurent qu'on les fit venir par force. Eux-mes-
mes recognoissent qu'ils y estoient. Encore y en a-il qui as-
seurent qu'ils retournerent à Illiers, & y monstrerent leurs
playes en public : & toutefois il n'y a vn seul tesmoin d'Il-
liers qui en depose ny qui en ait ouuert la bouche.

Il le supplie aussi tres-humblement de considerer ce que
ladite Boissel a soustenu par sa deposition que Calfe & sa
femme, monstrerent leurs bleseures en presence de plus
de vingt personnes ; & toutefois il n'y en a vn seul qu'elle,
& son mary qui en aient depose, *scilicet*, d'autant que les au-
tres n'ont pas voulu prester leurs consciences, comme ils
ont faict.

Si tout cela estoit ainsi interuenu en public, & en presen-

ce de tāt de personnes, qui est celuy qui puisse douter quil ne se trouuaſt vn bon nombre de teſmoins qui en euſſent depoſé. Il eſt certain qu'vn ſi grand nombre & meſmes de ceux du lieu de Bremian ſuiets du ſeigneur ne ſe fuſſent teuz & en euſſent depoſé: ne l'ayant pas faiēt, c'eſt vn argument indubitable que tout cela eſt inuenté à plaiſir pour calomnier vn homme de bien.

Ad extremum, le Sieur de Coupigny ſupplie tref-humblement le Conſeil, de conſiderer qu'auparauant le mois de Ianuier, 1580. que l'on pretend que ceſt excez a eſté fait, il n'y auoit eu aucune querelle, ny differēt entre luy & Calfé & ſa femme. Qu'il n'auoit aucune occaſion de leur faire mal, & conſequemment qu'il n'y a point d'apparence de dire qu'il les ait offenſez: d'autant que *nihil cuiquam factum eſſe probatur, niſi quare factum ſit ostenditur*, ce qu'on allegue d'vn monitoire eſt ſuppoſé & fait lōg temps apres: ſçauoir au mois de Nouembre, 1582.

Sur le fait
de l'exceſ
que l'on
dit auoir
eſté commis
en la per-
ſonne de
Colin
Fee.

Le troiſieme crime contre le Sieur de Coupigny, cōcerne l'excez que l'on pretend auoir eſté commis en la perſonne de Colin Fee, pour lequel le Sieur de Bremian aduāce qu'il a eſté outragé par le Sieur de Coupigny en haine de ce qu'il n'auoit pas deſchargé Adrian Ioly de la taxe des tailles, & n'y a que deux teſmoins qui en depoſent: l'vn eſt Colin Fee, & l'autre eſt ledit Ioly.

Le Sieur de Coupigny confeſſe qu'il a baillé quelque foufflet à Fee, mais il dit, que c'eſt d'autant qu'eſtant ſon Preuoſt il auoit mal gouuerné ſa Preuoſté.

Et pour monſtrer qu'il eſt faux de dire que ce ſoit en haine du departement des tailles, la plainte du Sieur de Bremian en rēd vn aſſeuré teſmoignage, d'autāt qu'il ſe plaint de ce que le ſieur de Coupigny auoit outragé ledit Fee ſon

Preuost vassal & seruiteur, sans dire que ce fust à l'occasion des tailles, ce qu'il a de rechef repeté par-deuant messieurs, Bulion & Chanteclair.

Sil'occasion fust paruenue de la taxe des tailles, il est certain quele sieur de Bremian n'eut pas oublié de la mettre en ses articles, & de s'en plaindre.

D'ailleurs, il n'est pas raisonnable de s'arrester à ce que ledit Colin Fee, à dit que c'estoit à cause des tailles: d'autât qu'il s'agit d'un excez qu'il dit auoir esté cōmis en sa persōne, & q̄ le desir qu'il a de se véger le pousse de depōser faucemēt.

Adrian Ioly ne dit pas que le sieur de Coupigny ait frappé Colin Fee à cause des tailles. Et d'ailleurs, ce luy seroit vne honte que pour l'amour de luy cest excezeust esté fait, voire ce seroit alleguer sa turpitude.

Pour le regard dela missiue, le Sieur de Coupigny a ingenuément recogneu qu'il l'a signee: mais il n'a iamais sçeu le contenu d'icelle, cōme de fait il n'y a rien escrit de sa main.

La presumption est, que Ioly a escrit ou fait escrire ceste lettre, d'autât qu'elle est écrite en sa faueur. Et partant sil y a quelques paroles audacieuses & arrogantes, c'est luy qui en est l'autheur, & qui en doit respondre.

Et sur ce poinct, le Sieur de Coupigny supplie tres-humblement le conseil de se représenter ce qui est ordinaire aux Seigneurs & Gentils-hommes de signer des missiues de recommandation, sans les voir: il n'y a celuy qui ne peut estre aisément surpris en semblables lettres, d'autant que si quelqu'un le prie d'escire, il luy dira fort aisément qu'il fasse dresser la lettre: & si on luy apporte, il la signera, sans aduiser s'il y a des paroles audacieuses ou non.

Le Sieur de Coupigny a signé ceste missiue en la mesme forme, luy aiāt esté apportee par Ioly: & partāt de le char-

ger d'aucune faute pour ce regard, il n'est pas raisonnable: ains au contraire il est tres-equitable que Ioly en respõde. *Tum*, d'autant que c'est luy qui l'a faite signer comme es-crite en sa faueur. *Tum*, aussi d'autant que c'est luy qui l'en est aidé, & qui l'a porte.

Sur le
fait de
l'excez
pretendu
sous le
nom de
Vermõt.

Le quatrième crime cõcerne l'excez que le sieur de Bre-mian pretend auoir esté commis en la personne de Ver-mont, pour raison duquel il a quatre tesmoins confrõtez au sieur de Coupigny: sçauoir est, Nicolas Liger, Pierre An-gibout, Mathurin Liger, & Pierre Cheualier, vn seul des-quels ne depose rien, sinon qu'ils ont veu ledict Vermont blessé aux pous-ses, & qu'il leur dict que c'estoit le sieur de Coupigny qui l'auoit ainsi accoustre: mais qu'ils l'aiët veu blesser, ny mesmes qu'ils l'aient veu entrer ou sortir de la maison du Sieur de Coupigny: ils n'en ont rien soustenu à la confrontation. Si telles depositions sont suffisantes pour le conuaincre, il n'y a homme qu'on ne rende fort aisémēt conuaincu de tel crime que l'on voudra.

Le cõseil, pour s'esclaircir le fait de ceste accusatiõ, a ordõ-né que le maistre que Vermont seruoit, seroit ouy: s'il a dit verité, le Sieur de Coupigny l'assure qu'il aura depósé que ceste accusation est calomnieuse. Et de ceste calomnie, le conseil peut recueillir quelles sont les accusatiõs.

D'abondár, le Sieur de Coupigny a requis que Vermõt fust visité, & pretend que par l'inspection de ses poudres, la calomnie de l'accusation sera aisémēt descouuerte: d'au-tant que si depuis la requeste presentee aux fins de la visita-tion, il n'a esté blessé: la verité est, qu'il ne l'estoit aucune-ment. C'est la plus naturelle preuue que les Iuges peuuent souhaitter en vn procez. *Ex his quæ sunt oculis subiecta fide-li-bus: adeo, que toutefois & quantes que agitur de oculata pro-*

batione, tout ce que l'on peut apporter au contraire, ne sert de rien du tout. *Imo & sententia lata contra occulatam rei naturam & euidentiam nunquam transit in rem iudicatam, vt tradit Alex. in l. Admonendi. D. de Iureiur. & notatur in l. penult. D. fin. Regund.*

La cinquième accusation est que le sieur de Coupigny a exigé par force vne certaine promesse d'un nommé de Vigny pour quarante escuz: mais de preuue de ceste exaction & de la force il n'y en a point: & n'y en peut auoir de Vigny mesme, lequel est seul tesmoin en la cause, ne l'a pas voulu affermer, ains s'est plaint seulement que le sieur de Coupigny deffendoit aux habitans ses tenanciers d'aller moudre au moulin que de Vigny tenoit à ferme de Bre-mian, ce qu'il pouuoit faire *suo iure*, il est vray qu'il y melle des menaces, mais à la confrontation il sen est desdit, & en a osté les mots les plus aigres. Et d'ailleurs se trouuant seul tesmoin, il n'est pas raisonnable d'adiouster foy à ce qu'il en a voulu dire, & n'y a point de doute que l'accusation ne soit calomnieuse.

Sur le fait
des quarā
te escus
que l'on
pretend
auoir esté
exigé de
Vigny.

Il n'y a rié que la promesse que le sieur de coupigny soustient estre bonne, ayant par icelle affermé à de Vigny le droict de moulin bannal qu'ila sur ses tenanciers.

C'est ce qu'on appelle vermoulure en Normâdie, & de fait luy mesme confesse en auoir payé dix escus, & depuis les iuges des lieux l'ont condané au payement de ladite somme, comme estant la promesse equitable: & partant de l'auoir accusé d'exaction & de force sous le seul pretexte de ladicte promesse la calomnie est euidente, & d'icelle le conseil peut aussi recueillir combien toutes les autres sont faulses.

La sixième accusation concerne le fait de Nonancourt,

mais d'autant qu'il n'y a vn seul des tesmoins qui charge ny qui accuse le sieur de Coupigny d'en auoir receu la valeur d'un liard ny mesme qu'il y ait esté presët ou cōsentät le conseil voit que la calomnie est claire & sans response.

La dame de Coupigny seule en est accusée & fassure tant de son innocence que la calomnie sera aiseement decouuerte.

Il confesse que le cappitaine Boulegras l'a suiuy quelquefois à la guerre, & qu'il luy a presté des armes & des cheuaux, comme il en a presté à plusieurs autres cappitaines: mais que de là on puisse inferer que le sieur de Coupigny ait exigé quelque argent des habitans de Nonancourt, ou que s'il a fait du mal le sieur de Coupigny en soit cause, & le condamner sur ce pretexte, il soustient qu'il n'y a point d'apparence.

Sur le fait
que le
sieur de
coupigny
ait fait
assemblee
d'hommes
pour tuer
le sieur de
Bremian.

La septième accusatiō est que le sieur de coupigny a fait assemblee d'hommes pour assassiner le Sieur Bremian.

Il confesse librement qu'il s'est accompagné de ses amis pour sa deffense contre Bremian: mais c'est vne imposture de dire qu'il ait iamais pensé de l'assassiner ny de le tuer. Au contraire c'est le sieur de Bremian qui l'a assailly, & qui l'a recherché & aguetté pour l'assassiner.

Ieanne Boissel, qui sert de tesmoin ordinaire à Bremian, a bien soustenu qu'il y auoit trois ans à la Toussaints de l'annee 1582. que le sieur de coupigny auoit mis des soldats au prieuré de Courtemanche, & que ses gens & ceux de Bremian tiroient des coups d'harquebuzes les vns contre les autres.

Elle asseure d'auantage qu'elle a ouy dire à vn nommé le petit Maistre, qui estoit l'un des soldats dudit Prieuré, & depuis auoit esté de la cōpaignie du fils de Bremian, qu'il

auoit esté enuoyé par le Sieur de Coupigny audit Prieuré, & auoit tiré vn coup d'harquebuse à vn nommé Martin, pensant qu'il fust seruiteur du Sieur de Bremian. Le Conseil pensera quelle foy l'on peut adiouster à cest ouy dire, *édque* à vn soldat du fils de Bremian.

Mais que le Sieur de Coupigny ait pourfuiuy ou agueté le Sieur de Bremian, elle ne le dict pas: & ce qu'elle dit que les vns tiroient cōtre les autres, charge le sieur de Bremian autant que le sieur de Coupigny.

Pierre Cheualier l'aîné, a recogneu lors de la confrontation, qu'il n'auoit entédu parler du sieur de Coupigny: ains de ses gens & seruiteurs, & ne parle d'ailleurs contre luy, si non qu'il a ouy dire. Ce tesmoignage *de auditu*, ne peut estre receu par les raisons deduites cy dessus.

Iean de Vigny, ne charge non plus le sieur de Coupigny d'aucune entreprise cōtre le Sieur de Bremian: il luy a bien soustenu qu'il aupit beaucoup d'hommes & de soldats incogneuz: mais à la confrontation, il a interpreté sa deposition que ces hommes estoient incogneuz à luy: & n'a pas osé iurer que le Sieur de Coupigny les tint pour offenser le Sieur de Bremian.

Pierre Angibout, a soustenu au Sieur de Coupigny, qu'il l'auoit veu à la feste de la Pétecouste de l'an 1582. il y auoit deux ans au Prieuré de Courte-manche, accompagné de plusieurs personnes: & qu'il vint iusques au pres de la maison de Bremian, où ils tirerent des coups d'harquebuse. Mais il ne dict pas que ce fust pour offenser le Sieur de Bremian n'y contre luy.

Michel du Bosc, a bien soustenu au sieur de Coupigny, qu'il a faiet sonner la Casse: & a faiet assemblee d'hommes à Pinson depuis les deffences faietes par le Roy, aux sieurs

de Coupigny, & de Bremañ. Et que ceux qu'il auoit assemblez, furent au Prieuré de Courtemanche, pour faire vne entreprise: mais il ne dit pas que ce fust contre le Sieur de Breman. Et d'ailleurs, sa deposition apparoiſt notoirement fauce, en ce que les deffences n'ont esté fautes qu'en l'annee 1580. ainsi qu'il se peut recueillir des pieces que le Sieur de Breman a produites sous la cote de sa production: & toutefois ce bon tefmoin qui n'a esté ouy qu'en ladite annee 1580. depose de cinq ou six annees auparavant. ceste faulseté est si claire, qu'il n'y a personne qui la puisse excuser.

Nicolas Liger, auoit depose qu'il auoit veu le sieur de Coupigny au Prieuré de courtemanche: mais il dit le contraire par la confrontation: & d'ailleurs ne dit pas que le Sieur de Coupigny eut rien entrepris contre le Sieur de Breman.

Nicolas Vauffelin a bien souſtenu qu'il auoit veu des soldats qui tiroient des coups de harquebouze vers le lieu de Breman, & que le sieur de Coupigny auoit assemble quelques hommes: mais il ne dit non plus qu'il ait entrepris d'attenter aucunement à la personne dudit sieur de Breman.

Bref, s'il plaist au conseil de bien considerer toutes les depositions de ceux qui ont depose, que le sieur de coupigny ait assemble des hommes, il verra que ce qu'il en a confessé est tres-veritable, ſçauoir qu'il y a vne vieille & ancienne querelle entre luy & le Sieur de Breman, & que l'un & l'autre ont faict assemblee de leurs amis pour se deffendre: mais que le Sieur de coupigny ait oncques entrepris de tuer le Sieur de Breman, ils ne l'ont pas depose.

Toutes les lettres du Roy, & de monsieur le Duc d'Aumale iustifient

le iustificient ceste querelle, & les assemblees faictes tant par l'un que par l'autre. Les lettres mesmes du Sieur de Bremia en rendent tesmoignage: & partant de dire que le Sieur de Coupigny l'ait voulu assassiner, est vne euidente imposture.

La huietième & derniere accusation est, que le sieur de Coupigny a fait tenir les champs à ceux qui l'ont accompagné, & qu'il a fait faire beaucoup d'outrages aux habitans des lieux, dont à la verité aucuns de ces mesmes tesmoins ont voulu dire quelque chose.

Mais quoy qu'ils ayent aduancé contre leurs consciences, il ne se treuve vn seul hōme qui se pleigne que le sieur de Coupigny ou ceux qui l'accompagnoiet l'ayent iamais offensé, ne qu'ils ayent pris la valeur d'un liard. C'est vn argument de la legalité & de la preud'homie, qu'ayant esté contraint de s'accompagner pour se deffendre contre le sieur de Bremian, il n'y a vn seul des habitans des lieux qui se pleigne d'auoir esté offensé.

Les tesmoins n'ont pas osé se plaindre qu'ils ayent esté outragez ny aucunement offensez, encores moins qu'ils ayent rien perdu. Et pour monstrier que sans difficulté leurs depositions sont faulses, ils sont presque tous singuliers, & d'ailleurs ils deposēt que beaucoup des habitās, des lieux ont esté outragez, molestez & intimidez, & toutesfois il ne se trouue vn seul qui s'en pleigne.

Le sieur de Bremian n'en pourroit pas dire autāt, attendu que par information il appert que son fils a mené des soldats qu'il a fait viure à discretion sur les pauvres habitās & leur a fait commettre, voire luy mesmes a commis vne infinité de cas execrables qui sont demeurez impuniz par

Sur le fait
que le
sieur de
Coupigny
ait tenu
les chāps
& outragé
les ha-
bitans du
pays.

la mort, n'ayant iamais esté en la puissance du sieur de Coupigny de le contraindre de se représenter.

Outre les moyens qui ont esté deduits sur chacun chef desdites accusations le sieur de Coupigny supplie tres-humblement le Conseil de considerer que tous les tesmoins sont valablement reprochez.

Et quand il n'y auroit autre reproche que celui qu'eux mesme confessent, sçauoir qu'ils sont subiets & tenanciers du sieur de Bremian auteur de toutes ces accusations, & qu'estas à sa deuotion, & ayant esté ouyz & pratiquez, quoy que soit la plus grande partie par rebours, que les depositions de trois desdits tesmoins, voire la lecture des pieces pour conuaincre de faulseté, il n'est pas raisonnable d'a iouster foy à leurs depositions.

Maximè que tous les faits desdites accusations ne sont pas secrets ny cachez, voire que tous ceux qui en deposent ont soustenu qu'ils sont aduenuz en public au lieu de Bremian, & à Illiers en presence de tout le peuple, voire que en aucuns il y auoit plus de vingt personnes, & cōsequemment que le crime pouuant estre verifié par autres que les tenanciers & subiets dudit sieur de Bremian, & ne s'en trouuant point d'autres, quoy que soit fort peu, voire encore y en ayant si peu desdits tenanciers & subiets de Bremian, il est aisé à voir que ceux qui en ont deposé, ont esté pratiquez ou plustost subornez & carrompuz pour déposer faux, d'autant que si les faits estoient veritables estans aduenuz en public, ainsi que le sieur de Bremian pretend, il y en auroit d'auantage de tesmoins.

De dire que le sieur de Coupigny ait empesché les tesmoins de déposer & les ait intimidéz, il n'y a point d'ap-

parence: d'autât qu'il y a deux ans qu'il est prisonnier, voire avec autant de rigueur que iamais gẽtilhomme de sa qualitẽ ait enduree ny soufferte. Estant ainsi miserablement detenu il est impossible de dire qu'il ait intimidẽ des tẽmoins sur les lieux: au cõtraire le sieur de Bremiã a la chef des champs, il est sur les lieux, sa femme y a tousiours estẽ lors qu'il a fallu ouyr des tẽmoins, elle sçait par quels moyens & par quels artifices il faut corrompre & suborner des tẽmoins. Et parrant il ne fault point qu'ils s'excusent que le sieur de Coupigny les ait intimidez.

Ad extremum pour les trois principales accusations, sçavoir du meutre de la Bresche, du fouet de Calfẽ & de sa femme & de l'excez de Vermont, il n'y a que les mẽmes tẽmoins, encores sont ils ouyz pour les excez pretenduz par Bremian, *ut sit facile*, de cognoistre qu'estans ouyz si souuent & pour tant de chefs d'accusations, ils sont, comme on dit, du mestier de tẽmoins, & ont prestẽ leur conscience.



